

文獻通考卷之二百五十六

鄱陽馬端臨貴與

帝系考

后妃

梁太祖元貞皇后張氏。單州碭山人。太祖少聘之。生末帝。太祖貴。封魏國夫人。天祐元年卒。太祖卽位。追冊爲賢后。末帝立。追謚后。

昭儀陳氏。宋州人。少以色進。太祖旣貴。專寵。開平三年。度爲尼。

昭容李氏。亦以色進。拜昭容。後不知所終。

末帝德妃張氏。父歸霸。事太祖爲梁功臣。帝爲王時。以婦聘之。帝卽位。將冊德妃立爲后。未及而卒。末帝次妃郭氏。父登州刺史歸厚。少以色進。梁亡爲尼。卒於洛陽。

後唐太祖正室劉氏。代北人。太祖爲晉王。封晉國夫人。生莊宗。莊宗卽位。尊爲皇太后。

莊宗神閔敬皇后劉氏。魏州安成人。晉王攻魏。裨將袁建豐掠得之。納之晉宮。莊宗嗣位。太后以賜之。有寵生子繼笈。帝卽位。將立后。而衛國夫人韓氏正室

也。燕國夫人伊氏次妃。位在劉氏上。故難其事。宰相

豆盧革樞使郭崇韜等希旨請立劉氏爲皇后。上從之。乃封韓氏爲淑妃。伊氏爲德妃。莊宗遇弒。后出奔。明宗卽位。遣人賜后死。韓淑妃。伊德妃皆居太原。晉高祖反時爲契丹所虜。

自唐末喪亂。后妃之制不備。至莊宗時。後宮之數尤多。有昭容。昭儀。昭媛。出使御正。傅真懿。才咸一。瑤。芳。懿。德。宣等。其餘名號不可勝紀。明帝已後。又

有司寶司。贊司。膳司。醢司。飾司。衣過。藥梳篦衣服。知客。寶省。書省。弟子院。使等名。皆封國夫人。或郡

夫人。少者縣君。

前代內職無封君之禮。此一時之制。

明宗武憲皇后曹氏不知所出。天成元年封淑妃。既而立爲皇后。愍帝卽位，尊爲皇太后。

明宗昭懿德皇后夏氏不知所出。生秦王從榮。及愍帝。帝未卽位前卒。天成時追冊爲皇后。

明宗懿妃王氏邠州餅家子。初爲梁荆劉鄩侍兒。鄩卒。帝納之卽位。封爲淑妃。愍帝無子，尊爲皇太妃。

愍帝哀皇后孔氏。父循。愍帝卽位，立爲皇后。未及而難作。帝出奔廢。帝入與所生四子皆見殺。晉高祖立。追謚曰哀。

廢帝皇后劉氏。父茂威。應州渾元人。初封沛國夫人。

帝卽位爲皇后。石敬瑭犯京師，與帝俱自焚死。

晉高祖皇后李氏，唐明宗女。初號永寧公主。天福二年，有司請立皇后，帝以宗廟未立，謙抑未皇。帝崩，出帝卽位，乃尊爲皇太后。

安太妃，代北人，不知其世家。生出帝，帝立，尊爲皇太妃。

出帝皇后馮氏，定州人。父濛，初適高祖弟重胤，重胤卒，出帝納之，立爲皇后。契丹入京師，從帝北遷，不知所終。

漢高祖皇后李氏，晉陽人。本農家女。高祖少爲軍卒。

入其家劫取之。高祖貴，封魏國夫人。生隱帝。高祖卽位，立爲皇后。隱帝卽位，爲皇太后。

周太祖聖穆皇后柴氏，邢州堯山人。太祖少娶之。太祖卽位已卒，追冊爲皇后。

太祖淑妃楊氏，鎮州真定人。初爲趙王鎔妾，鎔歿嫁石光輔，光輔卒。太祖聘爲繼室。天福中卒，卽位，追冊爲妃。

貴妃張氏，鎮州真定人。初爲武氏婦，武卒，太祖納之。太祖兵入京，妃爲劉銖所殺，卽位，追冊。

德妃董氏，鎮州靈壽人。初爲劉進超妻，進超歿，太祖

聘之卽位。冊爲德妃。

世宗貞惠皇后劉氏。不知所出。帝微時所娶。封縣君。太祖舉兵。留京師。爲漢人所殺。太祖卽位。封彭城郡夫人。世宗卽位。追冊爲皇后。

宣懿皇后符氏。彥卿之女。初適李崇訓。崇訓反。誅。帝納爲夫人。卽位立爲皇后。顯德時崩。

皇后符氏。宣懿后之妹。宣懿后崩。帝納之。恭帝立。尊爲皇太后。

宋太祖皇帝。始因五代之制。置司簿。掌宮中簿書。出納之事。又置司賓。並封縣君。又置樂使。主宮中聲伎。

並賜帟帟。太宗置尚宮太監及知內省。充內宣徽南院使。兼承旨。并司簿。或封國夫人。郡夫人。又置寶省。尚食。封縣君。又置司寶。司儀。司給。或授郡君。縣君。又樂使之下。增置副使。又改內省爲尚書內省。令尚宮太監並號尚書司給司簿。同掌宮籍。及司出給。改祇候人爲御侍。衣服爲司衣。梳篦爲司飾。枕被爲司寢。湯藥爲司藥。樂使爲仙韶使。副使。及爲仙韶副使。弟子呼供奉。又置直筆。書省主事。改其器爲翰林局。掌御閣。爲直閣。掌宮門。爲直門。掌燈火。爲掌燈堂。從物爲直仗。針線院。爲裁縫院。又令司簿兼掌寶。司言兼監班。

司儀兼承宣掌寶司儀及仙韶使副使仍封縣君又
司記知尚書內省公事而皆賜以帶帔真宗置淑容
順容婉儀婉容並從一品在昭儀上又置貴儀在淑
之上又置司宮令正四品在尚宮之上

太祖孝惠皇后賀氏開封人太祖正妃初封會稽郡
夫人顯德五年崩建隆三年追冊爲皇后

孝明皇后王氏邠州新平人太祖繼妃建隆元年八
月立爲皇后乾德元年崩

孝章皇后宋氏河南洛陽人乾德六年納爲皇后太
宗卽位號開寶皇后居西宮至道元年崩

太宗淑德皇后尹氏相州鄴人。太宗正妃。早崩。太平興國元年。追冊爲皇后。

懿德皇后符氏。陳州宛丘人。太宗繼妃。帝爲晉王。封越國夫人。開寶八年崩。太平興國元年。追冊爲皇后。元德皇后李氏。真定人。初爲太宗後宮。封夫人。生真宗。太平興之二年崩。真宗卽位。追宗爲皇太后。

明德皇后李氏。潞州上黨人。太宗妃。雍熙元年。立爲皇后。真宗立。尊爲皇太后。

貴妃孫氏。開封人。昭容吳氏。錢塘人。

尚宮李氏。徐氏。順容邵氏。揚州人。俱太宗後宮。

朱貴妃太宗後宮爲才人後入道明道中卒

秦國夫人劉氏真宗乳母始封齊國夫人真宗卽位封秦國延壽保聖夫人咸平元年薨帝以乳保之恩事之如母舉哀制服

真宗莊懷皇后潘氏太名人真宗元妃端拱二年崩至道三年追冊爲皇后

莊穆皇后郭氏太原人真宗繼妃帝繼位立爲皇后景德四年崩

章獻明肅皇后劉氏益州人景德初爲美人進德妃莊穆后崩立爲皇后仁宗位尊皇太后

章懿皇后李氏。杭州人。入宮爲司寢生。入宗。進位。婉儀。明道元年。進宸妃。薨。章獻旣崩。追尊爲皇太后。
章惠皇后楊氏。益州郫人。初爲才人。進婉儀。仁宗在乳褓。有護視功。帝卽位。進皇太妃。章獻崩。遺詔以爲皇太后。

杜貴妃真宗後宮後入道

國初立后妃皆不行冊禮。太中祥符七年。封婉儀楊氏爲淑妃。翰林草制。付中書。不宣於外庭。乾興元年。選制尊皇后爲皇太后。淑妃爲皇太妃。亦不

果行冊禮。自雍熙

后妃乃寫告身。用金華羅紙。

金塗標袋有司進入。近臣牧伯皇親皆修貢禮。賀。

仁宗廢后郭氏。其先應州金城人。天聖中冊爲皇后。立九年以後宮嬖寵忿爭坐廢。出居瑤華宮。號金庭教主。冲靜仙師。又二年暴薨。追冊爲皇后。

嘉祐中帝欲置影殿於洪福寺。禮官因請祔廟下。兩制議未定。而知制誥劉敞言。春秋之義。不薨于寢。不赴同姓。不反哭于廟。則不言夫人。不稱小君。復以禮不足。故名號闕。然則名號與禮非同物也。名號存而禮不足。因不正其稱。况敢正其議乎。

郭后於三者無一焉而欲正其禮恐未安於義也
傳曰不有廢也君何以興廢興之間固必有正與
不正之禮存焉今欲扶所廢以爲正亦將抑所興
以爲不正歟古者不二嫡則萬世之後宗廟之禮
豈臣子所當擅輕重哉議者或謂郭后之追命也
既復其號不得不異其禮譬之大臣坐非辜之貶
者苟明其非辜則復用之豈得不遂使爲大臣乎
臣謂物有殊類而異勢未可以相準臣之與妻其
義雖均然逐臣可以復歸放妻不可復合臣衆而
妻一也禮官張洞言郭后之沒不得其所責當歸

於朝廷夾者何罪。豈有始僂宸極。終不廟食耶。議者欲用後漢東晉故事。或祭於陵寢。或築宮于外。稽之二史。皆曰。母后亦未見其合也。惟唐立別廟。遇禘祫則享之。於義爲允。敞又言。郭后所以然者。蓋于時聖慮在宗廟社稷之際也。昔漢光武以后。郭氏怨懟廢之。然當時羣臣不以光武爲情有厚薄。亦不以郭氏爲不當廢者。其意識遠也。今陛下之慮。豈不然乎。光武雖廢郭氏。然顧待其家不衰。亦明退人以義。不緣於私也。此又詔書所以追復郭氏之意矣。用平生之眷。故尊以虛名。顧禮義之。

正故絕其祔廟。是范曄所謂使後世不見有隆薄
 進退之隙者也。今洞之意以追復郭后則出於天
 子。以停止廟謚則出於大臣。共一詔書也。而論之
 異同。未知洞何從見之。若不幸此言傳於後而且
 歸過君父。虧損聖德。此其一也。臣前奏以為廢興
 不兩立。人君不二嫡。使萬世之後。禮分不明。洞不
 以此為辯。若不幸朝廷過聽之。是雖自以能許上
 起廢為功。而且陰福母后。妄瀆禮正。此其二也。故
 臣以謂非臣子之義。忠信之道矣。其後議卒不上
 朝廷。亦未皇有所行也。